



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

**Fargna, Francesco de
Montisfalisci, M.DCC.XVII.**

Casus XIX. Argumentum. In casu, quo Juspatronatus specter ad infantem,
& pupillum; Præsentatio, ad quem spectet?

[urn:nbn:de:hbz:466:1-72191](#)

28 Tertia promanat, ex quo iudicem Avus, & Avia Angeli toto tempore, quo in dicto loco de Gredilla habitarunt nihil prorsus acquisiverunt, nec emptiones stabilum, vel domorum fecerunt, quod ostendunt animum non habuisse deserendi Originarium domicilium loci de Sedano, illudque contrahendi in dicto loco de Gredilla Rot. cor. Ottob. dicta decis. 145. num. 31.

Quarta depromitur ex eo, quod cum 29 Joannes Avus Angeli quemdam Puerum in Sacro Fonte Baptismatis levaverit, passus est se describi à Curato, qui erat ius filius Incolam loci de Sedano; quae descriptio facta à filio cum scientia, & praesentia Patris istius animum ostendit retinendi domicilium illius loci, de quo se denominavit, ut in specie respondit Rota post Merlin. de legit. decis. 154. numer. 4. & decis. 164. num. 8. utrobique in fine, juxta ultim. impression. coram Merlin. decis. 866. num. 11. in fine coram Dunoz. Jun. decis. 743. num. 7. vers. Quem tamen animum in fin.

30 Quinta elicetur ex depositione nonnullorum Testium deponentium Avum ejusdem Angeli nunquam fuisse admissum ad onera, & honores Civibus dicti loci de Gredilla spectantes, nec tanquam Civem ejusdem loci ab aliquo habitum, & reputatum fuisse Summ. num. 8. Quod pariter arguit ejusdem animum alienum à Domicilio, & Civitate contrahenda, ad quem effectum requiritur onerum, & munerum Civitatis sopportatio per ea, quæ tradit Laderch. consil. 74. numer. 51. Cuiuscum Lautius inter Consilia Criminalia divers. consil. 7. numer. 2. tomo 2. Gratian. dicta discept. 181. num. 21. & 22. Actolin. resolut. 8. n. 89. Afflct. dicta dec. 384. num. 7. Rota coram Dunoz. Jun. dec. 743. num. 9.

Neque officiunt depositiones nonnullorum Testium ex parte Angeli examinatorum contrarium afferentium, quippe, vel illi deponunt de re gesta tempore quo decem annos agebant, siveque inhabiles sunt ad testificandum Trivisan. decis. 49. num. 23. lib. 2. Rota in Recent. decis. 361. num. 21. par. 10.

Vel conquassantur ab aliis Testibus numero, & qualitate majoribus, qui pra-

ferendi sunt illis Angeli, nedum quia isti plures exceptiones personales patiuntur; Verum etiam quia cum onus probandi translationem domicilii incumbat Angelo sufficit ipsius intentionem, quomodocumque offuscarι à Testibus contrariis, ad hoc, ut probationem non faciant Rota in Recent. decis. 158. num. 3. par. 10. decis. 126. num. 11. part. 16. & decis. 297. num. 33. par. 19. & in Asculana Dotis 28. Junii 1700. §. Etenim, & 29. Aprilis 1701. §. Eoque certius coram R.P.D. meo Fio.

Et ita unica tamen parte &c.

ARGUMENTUM.

In casu, quo Juspatronatus spectet ad Infantem, & Pupillum; Praesentatio, ad quem spectet?

SUMMARIUM.

- 1 Infans non potest praesentare, sed praesentatio facienda est à Tutori, tutorio nomine.
- 2 Infans parum, vel nihil differt à suo fratre.
- 3 Praesentatione obligatur Persona, & Anima.
- 4 Pupillus an praesentare possit absque auctoritate Tutoris, & num. 5.?
- 6 Tutor potest praesentare ad Beneficium vacans de Jurepatronatus Pupilli.
- 7 Praesentatus à Tutori an preferendus sit praesentato postea à Pupillo.
- 8 Tutor, ut possit praesentare, sufficit, quod communiter reputetur Tutor.

CASUS XIX.

Spectante Iurepatronatus ad Infantem, & Pupillum. Quæritur an praesentatio spectet ad illos, vel potius ad eorum Tutores, vel Curatores?

Respondeo primò, quod infans non potest praesentare, nec etiam cum Tutori, sed praesentatio facienda est ab ipso Tutori tutorio nomine. Ratio est, quia in praesentando requiritur animi discretio, & maturitas judicii, quia debet praesentari persona idonea, & infra terminum

num Juris, qui incipit currere à die notitiae, & scientiae; Sed infans caret matritate Judicij, & animi discretionis, & parum, vel nihil à furioso differt Leg. *Pupillus ff. de acq. bared.* Ergo infans non potest præsentare etiam cum Tutori, sed iste tutorio nomine debet præsentare; Quod etiam apparer ex paritate; Nam Præsentatio similis est aditioni hæreditatis, quia sicut aditione quis obligatur §. Neque instit. de authorit. Tutorum, ita præsentatione obligatur persona, & anima, juxta Beroum hic num. 55. in fine. Sed infans non potest adire hæreditatem etiam cum Tutori, sed solus Tutor nomine tutorio pro ipso adit Leg. Si infantis, & Leg. Potuit, Cod. de Jur. deliberan. Ergo nec poterit præsentare. Et ita tenet idem Berous hic, Federicus de Senis cons. 102. Calderin. cons. 8 de Jurepatr.

Quoad Pupillum respondeo secundò, quòd juxta Archidiaconum in cap. Decernimus 16. quæst. ultim. Pupillus potest præsentare etiam sine Tutori, aut Curatore, & ejus præsentatus præfertur præsentato à Tutori. Sed Berous hic contrarium dicit nempe, quòd Pupillus non potest præsentare sine auctoritate Tutoris; Quia licet Pupillus dicatur habere aliqualem intellectum, tamen non dicitur habere Iudicium, nec talem discretionem, ut ipse possit in electionibus dare vocem, & suffragium, ut in cap. Si ex eo de elect. in 6. & Pupillus nec velle, nec nolle habet sine interpolita Tutoris auctoritate Text. in Leg. *Pupillus ff. de regul. Iur.* Sed in præsentando dari debent voices, atque suffragia; ergo Pupillus non habet tale Iudicium, ut possit præsentare sine auctoritate Tutoris. Item non potest Pupillus absque auctoritate Tutoris adire hæreditatem; ergo nec poterit præsentare.

Sententia tamen Archidiaconi scilicet, quòd Pupillus major septennio, aut hoc completo, possit præsentare absque auctoritate Tutoris, prævaluit in praxi, & ita tenet etiam Cald. cons. 9. de Jurepatr. Rot. decis. 363. num. 2. par. 4. recent.

Prout etiam Tutor potest præsentare ad Beneficium vacans de Jurepatronatus Pupilli, quia cum Tutor repræsentet personam Pupilli, & administraret omnia

ejus Bona hæreditaria, utique ad ipsum pertinet exercitium Iurispatronatus, quod est annexum hæreditati; qua ratione, si cut ipse administrat, & percipit fructus hæreditatis, ita etiam exercere debet omnes actus, qui respiciunt Ius præsentandi, & Patronatus eidem hæreditati annexum, ut firmat Lambertin. de Jurepatr. Leg. 2. par. 1. quæst. 2. art. 10. num. 1. Garz. de Benefic. par. 1. cap. 9. num. 198. in fine, Rebuff. in tract. de Nominat. quæstion. 17. num. 55. Guttier. de tutel. par. 3. cap. 29. num. 7. Vivian. de Jurepat. lib. 5. cap. 3. num. 14. Rota coram Ubald. dec. 727. num. 2. Barbos. in cap. Ex litteris de Jurepatr. num. 6.

Si autem Tutor prius præsentat, & postea Pupillus, præfertur præsentatus à Tutori, si est magis idoneus, Lambertin. de Jurepatr. lib. 2. par. 3. quæst. 6. artic. 1. num. 2. & 3. Inter præsentatos verò à Pupillo, & Tutori, cæteris paribus est locus gratificationi juxta Lambertin. ubi supra, quem lequitur Narbon. de et at. anno Septimo quæst. 22. num. 17.

Tutor autem, ut possit præsentare, sufficit, quòd communiter reputetur Tutor, etiam si esset minus legitimus. Barbos. in cap. Ex litteris de Jurepatr. num. 6.

ARGUMENTUM.

Patronus an possit præsentare ad Ecclesiam Parochialem Clericum, simpliciter Tonsuratum, & qui non sit nec in Sacris, nec in Minoribus Ordinibus constitutus.

S U M M A R I U M .

- 1 Ecclesia Parochialis habet annexum Ordinem Presbiteratus, & quomodo num. 11.
- 2 Non potest quis præsentari ad Episcopatum, nisi sit in Sacris constitutus.
- 3 Regimen Animarum est ars Artium.
- 4 In præsentando ad Ecclesiam Parochialem, an requirantur saltem Ordines Minores de tempore præsentationis, & num. 8.
- 5 Patronus potest præsentare ad Ecclesiam